

Na osnovu člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", br. 49/06 i 51/09), člana 48. stav (3) Zakona o sportu Kantona Sarajevo – prečišćeni tekst („Službene novine Kantona Sarajevo” br: 45/12 i 36/21), i člana 10., i 68. Statuta Općine Centar Sarajevo, prečišćeni tekst ("Službene novine Kantona Sarajevo", broj: 23/04), a u vezi sa tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH” 37/24) Općinsko vijeće je na 3.redovnoj sjednici, održanoj dana 30.01.2025.godine, usvojilo

PRAVILNIK
o stipendiranju nadarenih sportista –
učenika osnovnog obrazovanja sa
područja općine Centar Sarajevo

I OSNOVNE ODREDBE

Član 1.
(Predmet Pravilnika)

Ovim Pravilnikom uređuju se osnove, način i kriteriji stipendiranja nadarenih sportista – učenika osnovnog obrazovanja koji postižu vrhunske rezultate na domaćim i međunarodnim takmičenjima, a imaju prebivalište na području općine Centar Sarajevo.

Član 2.
(Cilj Pravilnika)

Cilj Pravilnika je podsticanje sportskog razvoja, vrhunskih rezultata i promocije sporta kao važnog segmenta društvenog razvoja.

Član 3.
(Rodno značenje izraza)

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

II USLOVI I KRITERIJI

Član 4.
(Uslovi za stipendiranje)

Pravo na dodjelu sredstva iz člana 1. ovog Pravilnika mogu ostvariti pojedinci koji ispunjavaju sljedeće uslove:

- a) Da su državljani Bosne i Hercegovine;
- b) da imaju prebivalište na područje općine Centar Sarajevo u trajanju od najmanje jedne godine do dana podnošenja zahtjeva;
- c) da su starosne dobi od 6 do navršениh 15 godina života;
- d) da su aktivni članovi sportskog kluba;
- e) Da su ostvarili neke od sportskih rezultata, a u skladu sa odredbama iz člana 5. ovog Pravilnika.

Član 5.
(Kriteriji za dodjele sredstava)

- (1) Utvrđivanje rang liste kandidata za dodjelu stipendija vrši se na osnovu ostvarenih sportskih rezultata u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija, a vrednuju se rezultati ostvareni u prošloj kalendarskoj godini, i to:
- učešće na Olimpijadi mladih
 - osvojeno 1., 2. i 3. mjesto na svjetskim prvenstvima i kupovima, evropskim prvenstvima i kupovima, Mediteranskim igrama, osvojeno 1., 2., 3. mjesto na međunarodnom takmičenju sa učešćem minimalno 6 zemalja.
 - osvojeno 1., 2. i 3 mjesto na državnom prvenstvu.
 - osvojeno 1., 2. i 3 mjesto na federalnom prvenstvu.
 - osvojeno 1., 2. i 3 mjesto na kantonalnom prvenstvu.
- (2) Vrednovanje rezultata vršit će se na osnovu zvanične potvrde o ostvarenom rezultatu u prethodnoj godini, koju izdaje zvanični strukovni sportski savez kod kojeg je kandidat registrovan za takmičenje.
- (3) Rezultati se vrednuju prema sljedećoj BODOVNOJ TABLICI:

Naziv sportskog takmičenja	POJEDINAČNA TAKMIČENJA				EKIPNA TAKMIČENJA			
	I mjesto	II mjesto	III mjesto	1 kolo	I mjesto	II mjesto	III mjesto	1 kolo
Olimpijada mladih	300	250	200	-	300	250	200	-
Svjetsko prvenstvo i Svjetski kup	150	100	80	50	150	100	80	50
Evropsko prvenstvo i Evropski kup	120	90	80	50	120	90	80	50
Mediteranske igre	120	90	80	50	120	90	80	50
Međunarodna takmičenja	100	70	50	-	100	70	50	-
Državno prvenstvo	80	50	30	-	80	50	30	-
federalno prvenstvo	50	30	20	-	50	30	20	-
kantonalno prvenstvo	40	20	10	-	40	20	10	-

- (4) Vrednovanje rezultata vrši se tako što se boduje najbolji aktuelni rezultat takmičara.
- (5) Ukoliko je takmičar postigao više rezultata na jednom takmičenju bodovat će se samo jedan najbolji rezultat.
- (6) Ukoliko dva kandidata imaju isti broj bodova nakon bodovanja najboljeg aktuelnog rezultata rangiranje se vrši na osnovu drugog postignutog rezultata, sve dok se ne utvrdi razlika u bodovima.
- (7) Rezultati u neolimpijskim sportovima vrednuju se sa 50 % bodova manje u odnosu na olimpijske sportove.
- (8) U cilju osiguranja ravnopravne raspodjele stipendija između dječaka i djevojčica, Općina Centar Sarajevo će prilikom bodovanja i rangiranja kandidata osigurati proporcionalnu zastupljenost oba pola.

III POSTUPAK DODJELE, NAČIN I IZNOS SREDSTAVA

Član 6. (Javni konkurs)

- (1) Sredstva za stipendiranje sportista dodjeljuju se putem Javnog konkursa i podnesenih prijava po istom.
- (2) Prijave na konkurs iz stava (1) ovog člana podnose se na propisanom obrascu, a koji je sastavni dio Javnog konkursa.
- (3) Javni konkurs se objavljuje na web stranici Općine, i ostaje otvoren 30 dana od dana objavljivanja.
- (4) Zahtjevi se dostavljaju službi nadležnoj za sport (u daljem tekstu: Služba) putem protokola Općine, elektronskim putem i putem pošte.

Član 7. (Potrebna dokumentacija)

- (1) Na Javni konkurs kandidat je, uz prijavni obrazac, dužan priložiti sljedeće dokumente:
 - a) izjavu roditelja da kandidat ne prima stipendiju po istom osnovu ovjerenu od općinskog organa uprave,
 - b) uvjerenje o kretanju,
 - c) uvjerenje o državljanstvu,
 - d) potvrda kluba o aktivnom članstvu,
 - e) potvrdu zvaničnog strukovnog sportskog saveza (kantonalni, Federacije BiH, državni savezi ili olimpijski komitet) o postignutim sportskim rezultatima podnosioca prijave za prošlu kalendarsku godinu, kako na domaćim tako i na međunarodnim takmičenjima.
- (2) Dokumenti se prilažu u originalu ili ovjerenoj kopiji.

Član 8. (Postupak obrade prijava)

- (1) Pristigle prijave svih kandidata obrađuje Služba i na osnovu obrađenog materijala donosi i objavljuje preliminarnu rang listu sportskih stipendista.
- (2) Preliminarna rang lista objavljuje se na oglasnoj ploči i web stranici Općine Centar Sarajevo.
- (3) Na listu iz stava (1) ovog člana kandidati mogu u roku od osam dana od dana objavljivanja iste, podnijeti pismeni prigovor Komisiji.
- (4) Komisiju iz stava (3) ovog člana imenuje Općinski načelnik iz reda državnih službenika.
- (5) Odluku o prigovoru, Komisija će donijeti u istom roku, računajući od dana njegovog podnošenja.
- (6) Konačnu odluku o izboru kandidata za dodjelu sportske stipendije donosi Općinski načelnik.
- (7) Svaki prijavljeni kandidat na konkurs pismeno se obavještava o rezultatima konkursa u roku od 15 dana od dana donošenja konačne odluke.

Član 9. (Visina stipendije)

- (1) Stipendije se dodjeljuju za jednu kalendarsku godinu i isplaćuju se za jedanaest (11) mjeseci.
- (2) Visina stipendije na mjesečnom nivou iznosi 100,00 KM, odnosno 1.100,00 KM na godišnjem nivou po kandidatu.
- (3) Za takmičare iz jedne sportske discipline može biti dodijeljeno najviše 10% sredstava namijenjenih za sportske stipendije.
- (4) Ako se iz određenih razloga ne prijavi dovoljan broj kandidata koji ispunjavaju uslove u okviru jedne vrste sporta, nadležna Služba zadržava pravo da uz saglasnost Načelnika navedena sredstva preusmjeri na ostale kandidate kako bi se planirana sredstva iskoristila.

IV PRAVA I OBAVEZE KORISNIKA I DAVAOCA STIPENDIJE

Član 10. (Obaveza sklapanja ugovora)

- (1) Sa izabranim kandidatom zaključuje se ugovor o dodjeli sportske stipendije kojim se regulišu međusobna prava i obaveze korisnika stipendije i Općine Centar Sarajevo.
- (2) Ugovor potpisuje Općinski načelnik u ime Općine Centar Sarajevo i roditelj/staratelj korisnika stipendije.

Član 11. (Gubitak prava na stipendiju)

- (1) Sportista gubi pravo na stipendiju ukoliko:
 - a) napusti redovno školovanje;
 - b) se utvrdi da prima stipendiju po istom osnovu;
 - c) promijeni mjesto prebivališta,
 - d) prestane aktivno učestvovati u trenažnim i takmičarskim procesima.
- (2) Korisnik stipendije dužan je obavijestiti Službu u roku od 8 dana od dana nastanka promjena predviđenih u stavu (1) ovog člana, u suprotnom će biti u obavezi izvršiti povrat iznosa dodijeljenog po osnovu ovog Pravilnika, a najkasnije do kraja tekuće godine u kojoj je primio stipendiju.

V PRELAZNE I ZAVRŠNE ODREDBE

Član 12. (Prestanak važenja)

Stupanjem na snagu ovog Pravilnika prestaje da važi Pravilnik o stipendiranju nadarenih sportista/sportistkinja – učenika osnovnog obrazovanja sa područja Općine Centar Sarajevo („Službene novine Kantona Sarajevo“, broj: 40/24).

Član 13. (Stupanje na snagu)

Ovaj Pravilnik stupa na snagu danom objavljivanja na Oglasnoj ploči Općine Centar Sarajevo, s tim da će se naknadno objaviti u "Službenim novinama Kantona Sarajevo".

Broj, 01-34-32/25
Sarajevo, 30.01.2025. godine



PREDSJEDAVAJUĆI OPĆINSKOG VIJEĆA
Benjamin Isović

Ovaj Pravilnik je objavljen na Oglasnoj ploči Općine Centar, dana

06-02-2025